

ಎಫೆಸದವರಿಗೆ ಬರೆದ ಪತ್ರಿಕೆ 1 ಎಫೆಸವಾಲಾವೊನೆ ಬರ್ದಲ ಪತ್ರ

ವಳಕ

ಎಫೆಸವಾಲಾವೊನೆ ಬರ್ದಲ ಪತ್ರ ಕ್ರಿಸ್ತಕ್ಕು 60 ವರಕ್ಕು ಬರ್ದಲ ವ್ಹೈ ಕೊಲೆಸ್ನೆವಾಲಾವೊನೆ ಬರ್ದಲ ಪತ್ರ ಎಙ್ಲ ಟೈಮ್ನಾ ಬರ್ದಲ ವ್ಹೈ ಕೈನ ಕವಸ. ಬರ್ದಾಲೊ ತಿನಾಕ್ಕು ತೆ ಅಪೊಸ್ತಲ ಪೌಲಾ ವ್ಹೈಕೈನ ವಳಕ ಪಾಡಿಲಿಸ. (1 ಅದ್ಯಾಯ 1 ವಚನಾ) ಕೊಲೆಸ್ನೆಮಾ ರ್ವಯಲ ಲಿಂಗತ ವೈಯಕ್ತಿಕ ವಂದನೆ ಎಫೆಸ್ನೆವಾಲಾವೊನೆ ಬರ್ದಿನ ಪತ್ರಿಕೆಮಾ ದಿಕ್ಕಿನ ಆಯಾವಾಚಿ ರ್ವಯುತಬಿ ಘನ್ನೊ ಅದ್ಯಾಯ ಬರ್ದಲವಾಲಾ ಎ ಪತ್ರ ಪೌಲಾ ಬರ್ದೊಸ ಕೈನ ವಪ್ಪಿಲಿವಸ ಇನಾ ಹುತಿ ಎ ಪತ್ರ ತೆ ಪ್ರಾಂತ್ಯಮಾ ಘನ್ನಿಯೊ ಸಭೆನೆ ಫೈಲಾಯಲ ಛಿ. ಪೌಲಾ ಎ ಪತ್ರ ಬರ್ತಾಮಾ ತೆ ಜಿಲ್ಮಾ ವ್ಹತ್ತೊ ಕವಾನುಬಿ ಬರ್ದೊಸ. (3. 1 41 ವರಿ 620 ವಚನಾ) ಪೌಲಾ ಎ ಪತ್ರ ಎಫೆಸೆನಾ ಸಭೆನೆ ಮಳಾನೆ ಜಾತಾಮಾ ತುಕಿಯಾಸನಾ ಮುಲಕ ಮೊಕಲ್ಯೊಸ (6 ಅದ್ಯಾಯ 21 ತಿ 22 ವಚನಾ) 1 ಎಫೆಸ್ ಗಾಮ ಯಕ್ಕ ಮೊಟ್ಟು ಗಾಮ ವ್ಹತ್ತು ರೊಮ ಸಾಮ್ರಾಜ್ಯನು ಅಶರ ಎಶ್ಯಾ ಮೈನರ ಪ್ರಾಂತ್ಯನಿ ರಾಜಧಾನಿ ವ್ಹತಿ. ಎಫೆಸ್ಸೆ ಗಾಮ ಗ್ರಿಕ ದಿವಸ್ತಾನ ಅರ್ಥಮಿಸಲ ದೆವಾಲಯ ಥೈನ ಪ್ರಸಿದ್ಧ ಥೈತಿ. (ಅಪೊಸ್ತಲ ಕೃತ್ಯ 19 ಅದ್ಯಾಯ 23 ತಿ 31 ವಚಾನಾ ಲಕ್ಕಾ) ಎಫೆಸ ಗಾಮನು ಸಭೆ ಶುರುಠಾತಾಮಾ ಘನ್ನಿ ತಾಕತ ವ್ಹತಿ. ತೆನ್ನೆಸೊ ಪಾಚಾತೊ ಅಂತ್ಯ ಕರಾನು ಟೈಮ ಆಯೊತೊ. (ಪ್ರಕಟಣೆ 2 ಅದ್ಯಾಯ 1 ತಿ 7 ವಚನಾ). 3) ಪೌಲಾ ಬರ್ದಲನಾ ಅರ್ದಾಕ್ಕು ಅರ್ದು ಪತ್ರ ಕ್ಕುದಾ ತಿನಾ ಮನಕ್ಕೊನೆ ಕಿಮ್ಮ ಇನಿಲಿದ್ಯೊ ವರಿ ಯೆಸು ಕ್ರಿಸ್ತನಾ ಮುಲಕ ತ್ಯನಾ ಪಾಪೊಕ್ಕುಙ್ಲ ತ್ಯನೊನೆ ಕಿಮ ವಚಾಡ್ಯೊ ಕವಾನು ತಿಳಸಾವಸ. ತೆ ಸಭೆನೆ ಕ್ರಿಸ್ತನಾ ಅಂಗನೆ ವರಿ ಕ್ರಿಸ್ತನ ತಿನು ಮಾತು ಥಯೊಸ ವರಿ ಕ್ರಿಸ್ತ ಮುಲಾನೊ ದಗ್ಡಾನೆ ಹೊಲ್ಸಸ. ಬೆವಾನಾ ಅರ್ದಾಭಾಗಮಾ ಪೌಲಾ ಕ್ರಿಸ್ತನಿ ಜಿವ್ವಾ

ಕಿಮ್ಮಜಿವ್ವಾ ಕರು ವಳಕ ಪಾಡಿನೆ ದಿವಸ.

ಪಿಠಿಕೆ

- 1) ಪೌಲಾ ತಿನು ವಳಕ ಕವಸ ವರಿ ಎಫೆಸೆವಾಲಾವೊನೆ ವಂದನೆ ಕವಸ. 1:1-2
- 2) ಪಾಚಲೊ ತೆ ಕ್ರಿಸ್ತಮಾ ಹುತಿ ಸಭೆ ರ್ವಯಲ ಸಂಭಂದನಾ ಹುತಿ ಕವಸ) 1:3—3:21
- 3) ಪಾಚಲೊ ಪೌಲಾ ವಿಸ್ವಾಶಿಯೊನೆ ಕಿಮ ಜಿವ್ವಾ ಕರು ಕವಾನಾ ಹುತಿ ಬರ್ದಸ.
- 4) ಲಾಸ್ತಮಾ ಪೌಲಾ ದಕ್ಷಿಯೊ ಸಲಹೆ ದಿವಸ.

1 ಕ್ರಿಸ್ತ ಯೆಸುನೊ ಅಪೊಸ್ತಲ ಥಯಲ ಪೌಲಾ ಮಿ ಕ್ಹುದಾನಿ ಆಸನಿಂಗತ ಅಪೊಸ್ತಲ ಥಯೊಸ. ಎಫೆಸ ಗಾಮ್ವಾರ್ವಾಲಾ ವರಿ ಕ್ರಿಸ್ತ ಯೆಸುಪರ ಬರೊಕ್ಕೊ ಮ್ಹೆಲಲ ಪರಿಶುದ್ಧ ಕ್ಹುದಾನಾ ಮನಕ್ಕೊನೆ ಮಿ ಎ ಪತ್ರ ಬರ್ದಾಡ್ಯೊಸ.

2 ಅಪ್ಪೊ ಬಾ ಥಯಲ ಕ್ಹುದಾ ವರಿ ಪ್ರಭು ಥಯಲ ಯೆಸು ಕ್ರಿಸ್ತ ತುಮೊನೆ ಮರಗಾ ಶಾಂತಿ ದಿವಾದೆ.

3 ಅಪ್ಪೊ ಪ್ರಭು ಥಯಲ ಯೆಸು ಕ್ರಿಸ್ತನೊ ಕ್ಹುದಾ ಬಾ ಥಯಲವಾಲಾನೆ ಸ್ತೂತ್ರ ಥಾವಾದೆ. ಸ್ವರ್ಗಮಾ ರ್ವಾನು ಹರ ಯಕ್ಕ ಆಶಿರ್ವಾದ ಕ್ಹುದಾ ಅಪೊನೆ ಕ್ರಿಸ್ತಮಾ ದಿದ್ಯೊಸ.

4 ಜಗತ್ತ ಸೃಷ್ಟಿ ಥಾವಾತಿ ಪೈಲಾಞ ಕ್ಹುದಾ ಅಪೊನೆ ಕ್ರಿಸ್ತಮಾ ಇನಿಲಿದ್ಯೊ ತಿನಿ ಸನ್ನಿಧಿಮಾ ಅಪೆ ಮಯಾಕ್ಹು ರ್ವೊನ ಪರಿಶುದ್ಧ ನಿರದೊಷಿಯೊ ರ್ವಯಲ ರ್ವೊಕೈನ ತಿನು ಉದ್ದೆಶ ವ್ಹತ್ತ.

5 ಅಪೊಪರ ರ್ವಯಲ ಮಯಾಕ್ಹು ಕ್ರಿಸ್ತ ಯೆಸುನಾ ಮುಲಕ ಅಪೊನೆ ತಿನಾ ಸ್ವಂತ ಬಚ್ಚಾ ಥೈನ ಕರಿಲಿವಾನೆ ತೆ ಪೈಲಾಞ ನಿರಧಾರ ಕರೊತೊ. ತೆ ತಿನಿ ಚಿತ್ತ ವರಿ ಉದ್ದೆಶ ವ್ಹತ್ತಿ.

6 ಕ್ಹುದಾನಿ ಮರಗಾಕ್ಹು ಥಯಲ ಎ ನಿರಧಾರ ತಿನೆ ಸ್ತೂತ್ರಾ ಥಾವಾನೆ ಕಾರಣ ವ್ಹೈ ಕ್ಹುದಾ ತೆ ಮರಗಾ ತಿನಾ ಮಯಾನಾ ದಿಕ್ರಾನಾ ಮುಕಾಂತರ ಅಪೊನೆ ಉಪಾರ ಮನಸ್ಸಕ್ಹು ದಿದ್ಯೊಸ.

7 ತಿನಾ ರಗತಕ್ಕು ಅಪೊನೆ ಬಿಡುಗಡೆ ಮಳಿ. ಕ್ಹುದಾನಿ ಮೊಟ್ಟಿ ಮರಗಾಕ್ಕು ಅಪ್ಪಾ ಪಾಪೊ ಮಾಫ ಥಯಾ.

8 ಕ್ಹುದಾ ಅಪೊನೆ ತೆ ಮರಗಾ ಪುರಾಙ್ಗ ಉದಾರ ಮನಸಕ್ಕು ದೆಕಾಡ್ಯೊ. ಕ್ಹುದಾ ತೆ ದಡೈನ ಮ್ಹೆಲಲ ಪ್ಲಾನ ಅಪೊನೆ ತಿಳಾಸಾನಾ ಮುಕಾಂತರ ಅಪೊನೆ ಪುರಾಙ್ಗ ಗ್ಯಾನ ತಿಳವಳಿಕಿ ದಿದ್ಯೊ.

9 ಕ್ಹುದಾ ಎ ತಿನಿ ಉದ್ದೆಶಕ್ಕು ಕರ್ರ್ಯೊ. ಕ್ರಿಸ್ತನಾ ಮುಲಕ ಎ ಪುರಾ ಕರಾನೆ ತೆ ಪ್ಲಾನ ಕರ್ರ್ಯೊ.

10 ಕಾಲ ಪುರಾ ಥಯಲಪರ ಜಿಮಿನ ವರಿ ಸ್ವರ್ಗಮಾ ರ್ಹಯಲ ಕ್ಹಾರುಙ್ಗ ಕ್ರಿಸ್ತಮಾ ಮಳೈನ ತಿನಿ ಅಧಿನ ಕರು ಕೈನ ಕ್ಹುದಾನಿ ಯೊಜನೆ ವ್ಹತಿ.

11 ತೆನ್ನೈಸೊ ಅಪೆ ಕ್ಹುದಾನಾ ಬಚ್ಚಾ ಥೈಯೆ ಕೈನ ಕ್ರಿಸ್ತಮಾ ಅಪೊನೆ ಇನಿಲಿದ್ಯಾ. ಅಪೆ ತಿನಾ ಬಚ್ಚಾ ಥೈಯೆ ಕೈನ ಕ್ಹುದಾ ತಿನಿ ಚಿತ್ತಲಿಂಗತ ಪೈಲಾಙ್ಗ ಪ್ಲಾನ ಕರ್ರ್ಯೊತೊ.

12 ಇಮ್ಮ ರ್ಹತಾಮಾ ತಿನಿ ವಿಚಾರ ವರಿ ಆಸಲಿಂಗತ ಹರಿಯಕ್ಕ ಕರಾಲೊ ಕ್ಹುದಾಙ್ಗ ವ್ಹೈ.

13 ಎ ತುಮೊನೆಬಿ ಲಾಗು ಥಾವಸ. ತುಮೆ ಕ್ಹರಿ ಭೊದನೆನಾ ಹುತಿ ಕದ್ಯಾಮ ತುಮಾರಿ ರಕ್ಷಣೆನಾ ಹುತಿ ಸುವಾರ್ತೆನಾ ಹುತಿ ಪುಚ್ಚಾಮಾ ಕ್ರಿಸ್ತಮಾ ಬರೊಕ್ಕೊ ಮ್ಹೆಲೊ. ಕ್ಹುದಾ ತಿನಿ ವಾಗ್ದಾನನಾ ಲಿಂಗತ ತುಮೊನೆ ಪವಿತ್ರ ಆತ್ಮಾನೆ ದಿವಾನಾ ಮುಕಾಂತರ ತುಮೊಪರ ತಿನಿ ಖಾಸ ರ್ಹಯಲ ಶಿಕ್ಕೊ ಫಾಲೊ.

14 ಕ್ಹುದಾ ತಿನಾ ಮನಕ್ಕೊ ವಗ್ದಾನ ಕರಲ ಕ್ಹಾರು ಅಪೆ ವ್ಹಂದಿಲಿಯೆಸ ಕವಾನೆ ತೆ ಪವಿತ್ರ ಆತ್ಮಾಙ್ಗ ಕ್ಹಮೆ ಥೈಸ. ಕ್ಹುದಾ ಕಮೈಲಯಿದಲ ಮನಕ್ಕೊನಿ ಎ ಪುರಾಙ್ಗ ವಿಮೊಚನೆ ಕರಸ. ಕ್ಹುದಾನಿ ಮಹಿಮಾನೆ ಸ್ತೊತ್ರಾ ಥೊ ಕೈನ ಎ ಕ್ಹಾರಾನು ಉದ್ದೆಶ ಥೈಯುಸ.

15 ಕರ್ತಾ ತಿನಾ ಹುತಿಙ್ಗ ಮಾರಿ ಪ್ರಾಥನಾಮಾ ಮಿ ತುಮೊನೆ ಶೆ ಕರಿಲಿನ ತುಮಾರಿ ವಿಷಯಮಾ ಕ್ಹುದಾನೆ ಹಮೆಶಾಬಿ ಸ್ತೊತ್ರ ಕೌಸ ಪ್ರಭು ಥಯಲ ಯೆಸುಮಾ ತುಮೊನೆ ರ್ಹಯಲ ಬರೊಕ್ಕಾನಾ ಹುತಿ

16 ವರಿ ಕ್ಹಾರಾ ಕ್ಹುದಾನಾ ಮನಕ್ಕೊಪರ ತುಮೊನೆ ರ್ಹಯಲ

ಮಯಾನಾ ಹುತಿ ಐಕಲ ದಿನಂತೊಬಿ ಮಿ ತುಮಾರಿ ವಿಷಯಮಾ ಕ್ಹುದಾನೆ ಸ್ತೊತ್ರ ಕೌಸ.

17 ಅಪೊ ಪ್ರಭು ಥಯಲ ಯೆಸು ಕ್ರಿಸ್ತನೆ ಕ್ಹುದಾ ಮಹಿಮಾನೊ ಸ್ವರುಪ ಥಯಲ ಬಾ ಥಯಲವಾಲಾನೆ ಮಿ ಹಮೆಶಾಬಿ ಪ್ರಾಥನಾ ಕರುಸ ಕ್ಹುದಾನಿ ಗ್ಯಾನಕ್ಹುಕದ್ಯಾಮ ತೆ ತುಮೊನೆ ತಿಳಸಾಯಲ ಗ್ಯಾನಕ್ಹುತುಮೊನೆ ಗ್ಯಾನಿ ಕರಾನಿ ಆತ್ಮಾ ತೆ ತುಮೊನೆ ದಿವಾದೆ ಕೈನ ಮಿ ಪ್ರಾಥನಾ ಕರುಸ.

18 ತುಮೆ ತುಮಾರಾ ಮನಸ್ಸಾ ಹಜುನ ಹೆಚ್ಚಿ ಗ್ಯಾನ ಆವಾದೆ ಕೈನ ಪ್ರಾಥಾನ ಕರುಸ ಅಪೆ ಕೆಯೊ ಆಸ ಹೊಂದಿಲ್ಯ ಕೈನ ಕ್ಹುದಾ ಅಪೊನೆ ಇನಿಲಿದ್ಯೊಸ ಕವಾನು ತೆಳಾಮಾ ತಿಳದಿಲಿವೊಸಿ; ತೆ ತಿನಾ ಪರಿಶುದ್ಧ ಮನಕ್ಹೊನ್ ವಾಗ್ಗಾನ್ ಕರಲ ಆಶಿರ್ವಾದ ಕೆಕ್ಲ ಮೊಟ್ಟು ವ್ಹೈ ಕವಾನು ತಿಳಿಲಿವೊ.

19 ಬರೊಕ್ಹೊ ಮ್ಹೆಲಾನು ಅಪೊನೆ ಕ್ಹುದಾನಿ ತಾಕತ ಕೆಕ್ಹೊ ಮೊಟ್ಟು ವ್ಹೈ ಕವಾನು ತೆಳಾಮಾ ತುಮೆ ತಿಳದಿಲಿವೊಸಿ. ಕ್ರಿಸ್ತನೆ ಮರಣಮಾತೊ ಜಿವೊ ಕರಿನ ಉಟಾಡಾನೆ ಕ್ಹುದಾ ಉಪಯೊಗ ಕರಲ ಮೊಟ್ಟಿ ತಾಕತ ತೆಜ್ಜ ವ್ಹೈ.

20 ಕ್ಹುದಾ ಕ್ರಿಸ್ತನೆ ಸ್ವರಗಾಮಾ ತಿನಾ ಶಿದಾಬಗಲ ಬೈಟಾಡಿಲಿದ್ಯೊ.

21 ಕ್ಹುದಾ ಕ್ರಿಸ್ತನೆ ಕ್ಹಾರಾ ಅದಿಪತಿಯೊತಿಬಿ ಅದಿಕಾರಿಯೊತಿಬಿ ತಾಕತವಾಲಾವೊತಿಬಿ ರಾಜಾವೊತಿಬಿ ಮೊಟ್ಟೊ ಕರೊಯ್. ಎ ದುನಿಯಾಮಾ ರ್ಹೊನೆಕಾ ಅಗಲ್ಯಾ ದುನಿಯಾಮಾ ರ್ಹಾವಾದೆ ದಿದಲ ಕಯುಬಿ ನಾಮ ರ್ಹಯಲವಾಲಾವೊತಿಬಿ ಕ್ರಿಸ್ತ ಮೊಟ್ಟೊ ವ್ಹೈ.

22 ಕ್ಹುದಾ ಹರಿ ಯಕ್ಕಪರ ಕ್ರಿಸ್ತನಾ ಅದಿಕಾರಮಾ ದಿದ್ಯೊ ಸಬೆನಾ ಹುತಿ ಕ್ಹುದಾ ತಿನೆ ಹರಿಯಕ್ಕಪರ ಮೊಟ್ಟೊ ಕರೊಯ್.

23 ಸಬೆ ಕ್ರಿಸ್ತನು ಅಂಗ ಥಯುಸ. ಸಬೆ ಕ್ರಿಸ್ತಕ್ಹು ಭರಿ ಗೈಯುಸ. ತೆ ಕ್ಹಾರುಜ್ಜ ಹರಿಯಕ್ಕ ವಿಷಯಮಾ ಪುರಾ ಕರಸ.

2

ಮರಣಮಾತೊ ಜಿವಾಮಾ

1 ಪೈಲಾ ತುಮಾರಿ ಆತ್ಮಿಕ ಜಿವ್ವಾ, ತುಮಾರಾ ಪಾಪೋ ವರಿ ತುಮೆ ಅವಿಧೆಯತೆನಾ ಕಾಮೊಕ್ಕು ಮರಿ ಗಯಾತಾ.

2 ಹೊ, ಪೈಲಾ ತುಮೆ ತೆ ಪಾಪೊಜ್ಜ ಕರೊಶಿ. ಎ ದುನಿಯಾನಾ ವಾಟೊ ಲಿಂಗತ ತುಮೆ ಜಿವ್ವಾ ಕರ್ಯಾಸ. ವಾಯು ಮಂಡಲಮಾ ರ್ವಾನಾ ದುಷ್ಟ ಶಕ್ತಿಯೊನಾ ಅಧಿಪತಿನೆ ತುಮೆ ವಿಧೆಯ ಧಯಾಸ. ಕ್ಕುದಾನೆ ಅವಿಧೆಯ ಧಯಲ ಮನಕ್ಕೊಮಾ ಹಮ್ಮಾ ಕಾಮ ಕರಾಲಾಜ್ಜ ತೆ ಆತ್ಮಾ ವ್ಹೆ

3 ಪೈಲಾ ಅಪೆ ಕ್ಹಾರಾ ತೆ ಮನಕ್ಕೊ ಲಿಂಗತ ಜಿವ್ವಾಡಾತಾ. ಅಂಗನಾ ಅಪ್ಪಾ ಆಸೊ ಪುರಾ ಕರಾನೆ ಅಪೆ ಕೊಶಿಶ ಕರಾಡಾತಾ. ಅಪ್ಪು ಅಂಗ, ಮನಸ್ಸ ಆಸ ಕರಲ ಕ್ಹಾರು ಅಪೆ ಕರ್ಯಾ. ಅಪೆ ದುಷ್ಟ ಮನಕ್ಕೊ ಧಯಾತಾ. ಅಪ್ಪಿ ತೆ ಜಿವಿತಕ್ಕು ಅಪೆ ತೆಳಾಮಾಜ್ಜ ಕ್ಕುದಾನಿ ಶಿಟ್ಟನೆ ಗುರಿ ಧಾವಾನು ವ್ಹತ್ತು. ಅಪೊನೆ ವರಿ ಬಿಜ್ಜಾ ಮನಕ್ಕೊನೆ ಕಯುಜ್ಜ ಫರಕಜ್ಜ ನ್ಹೊತು.

4 ತೆ ನೈಸೊ ಮರಗಾನೊ ಮಾಲಕ ಧಯಲ ಕ್ಕುದಾ ಅಪೊನೆ ಘನ್ನೊ ಮಯಾ ಕರಸ ಕೈನ ದೆಕಾಡಿನ ದಿದ್ಯೊಸ

5 ಅಪೆ ಕ್ಕುದಾನೆ ವಿರುದ್ಧ ಧೈನ ಕರಲ ಕಾಮೊಕ್ಕು ಆತ್ಮಿಕಮಾ ಮರಲವಾಲಾ ಧಯಾತಾ. ತೆ ನೈಸೊ ಅಪೊನೆ ಕ್ರಿಸ್ತನಾ ಕ್ಹಾತೆ ವಚ್ಚಾಡ್ಯೊ ತುಮೆ ಕ್ಕುದಾನಿ ಕೃಪಾಕ್ಕು ರಕ್ಷಣೆ ವ್ಹಂದಿಲಿದಲವಾಲಾ ಧಯಾಸ.

6 ಕ್ಕುದಾ ಅಪೊನೆ ಕ್ರಿಸ್ತನಾ ಕ್ಹಾತೆ ಉಟಾಡಿನ ತಿನಾ ಕ್ಹಾತೆ ಸ್ವರ್ಗಮಾ ಸಿಂಹಾಸನನಾ ಉಪ್ಪರ ಬೈಟಾಡ್ಯೊಸ. ಕ್ರಿಸ್ತ ಯೆಸುಮಾ ರ್ವಾಲಾ ಅಪ್ಪಾ ಹುತಿ ಕ್ಕುದಾ ಎ ಕರ್ಯೊ.

7 ಕ್ಕುದಾ ತಿನಾ ಮೊಟ್ಟಿ ಕೃಪಾನೆ ಅಗಲ್ಯಾ ದುನಿಯಾಮಾ ದೆಕಾಡು ಕೈನ ಅಮ ಕರ್ಯೊಸ. ಕ್ಕುದಾ ಎ ಕೃಪಾ ತಿನಿ ಮರಗಾಕ್ಕು ಅಪೊನೆ ಕ್ರಿಸ್ತ ಯೆಸುಮಾ ದೆಕಾಡಸ.

8 ತಿನಾಹುತಿ ತುಮೆ ಬರೊಕ್ಕಾನಾ ಮುಲಕ ಕ್ಕುದಾನಿ ಕೃಪಾಕ್ಕು ರಕ್ಷಣೆ ವ್ಹಂದಿಲಿದಲವಾಲಾ ಧಯಾಸ. ತೆ ರಕ್ಷಣೆ ತುಮೊಕ್ಕು ಧಯಲ ನ್ಹವ್ಹೆ ತೆ ಕ್ಕುದಾನು ವರ ವ್ಹೆ

9 ತುಮೋನೆ ರಕ್ಷಣೆ ಮಳಲ ತುಮಾರಾ ಭೋಕಾ ಕಾಮೊಕ್ಕು ನ್ವವೈ. ತಿನಾಹುತಿ ತಿನೆ ತೆಜಿ ವಚ್ಚಾಡಲಿದ್ಯೊಸ ಕೈನ ಕುನ್ನಜಿ ತಾರಿಫ ಕರಿಲಿವಾನೆ ಸಾಧ್ಯ ನತ್ತಿ.

10 ಕ್ಕುದಾ ಅಪೊನೆ ಕರಲ ವ್ಹೈ ಅಪೆ ಭೋಕಾ ಕಾಮೊ ಕರು ಕೈನ ಕ್ಕುದಾ ಅಪೊನೆ ಕ್ರಿಸ್ತ ಯೆಸುಮಾ ನವಾ ಮನಕ್ಕೊ ಧೈನ ಕರೊಕ್ಕೊ ಕ್ಕುದಾ ಅಪ್ಪಾ ಹುತಿ ತೆ ಭೋಕಾ ಕಾಮೊ ಪೈಲಾಜಿ ವಿಚಾರ ಕರೊಕ್ಕೊ. ಅಪೆ ತೆ ಭೋಕ ಕಾಮೊ ಕರೊಕ್ಕೊ ಜಿವ್ವಾ ಕರು ಕೈನ ಕ್ಕುದಾನು ವಿಚಾರ ವ್ಹತ್ತ.

ಕ್ರಿಸ್ತಮಾ ಕ್ಕಾರಾ ಯಕ್ಕಜಿ ವ್ಹೈ

11 ತಿನಾಹುತಿ ತುಮೆ ಹುಟ್ಟಲ ತೆಳತಾ ಬಿಜಾ ಮನಕ್ಕೊ ಧಯಾತಾ. ತುಮೋನೆ "ಸುನ್ನತಿ ನೈ ರ್ಹಯಲವಾಲಾ" ಕೈನ ಯಹುದ್ಯೊ ಬಲಾವಸ. ತುಮೋನೆ "ಸುನ್ನತಿ ನೈ ರ್ಹಯಲವಾಲಾ" ಕೈನ ಬಲಾವಾಲಾ ಯಹುದ್ಯೊ ತ್ಯುನಾ ಹುತಿ "ಸುನ್ನತಿವಾಲಾ" ಕೈನ ಕೈಲಿವಸ. ತ್ಯುನಿ ಸುನ್ನತಿ ಅಂಗಮಾ ಹತೊಕ್ಕು ಕರಲ ರ್ಹವಸ.

12 ಪೈಲಾನಾ ಕಾಲ್ಮಾ ತುಮೆ ಕ್ರಿಸ್ತ ನೈಸೊವಾಲಾ ಧಯಾತಾ ಕವಾನು ಶೆ ಕರಿಲಿವೊ. ತುಮೆ ಇಸ್ರೇಲನಾ ಮನಕ್ಕೊ ನ್ಹೊತಾ. ಕ್ಕುದಾ ತಿನಾ ಮನಕ್ಕೊನಾ ಕ್ಹಾತೆ ಕರಲ ವಾಗ್ದಾನೊನೆ ಸಂಬಂಧ ರ್ಹಯಲ ವಡಂಬಡಿಕೆನೆ ತುಮೆ ವ್ಹಂದಿಲಿದಲ ನ್ಹೊತಾ. ತುಮೋನೆ ಆಸ ನ್ಹೊತಿ ವರಿ ತುಮೆ ಕ್ಕುದಾನೆ ತಿಳ್ಳಿದಲ ನ್ಹೊತಾ.

13 ಹೊ, ತುಮೆ ಯಕ್ಕ ಟೈಮಮಾ ಕ್ಕುದಾಕ್ಕು ಘನ್ನಾ ದುರ ವ್ಹತ್ತಾ. ತೆನೈಸೊ ಹಮ್ಮಾ ತುಮೆ ಕ್ರಿಸ್ತ ಯೆಸುನಾ ರಗತಕ್ಕು ಕ್ಕುದಾನಾ ನಜ್ಜಿ ಕ ರ್ಹಯಲವಾಲಾ ಧಯಾಸ.

14 ಕ್ರಿಸ್ತಕ್ಕು ತುಮೋನೆ ಹಮ್ಮಾ ಸಮಾದಾನ ಮಳ್ಳುಸ. ಕ್ರಿಸ್ತ ಯಹುದಿಯೊನೆ ಯೆಹುದಿ ನೈಸೊವಾಲಾವೊನೆ ಯಕ್ಕಜಿ ಜನಾಂಗ ಧೈನ ಕರೊಕ್ಕೊಸ. ಯಹುದ್ಯೊ ಯಹುದ್ಯೊ ನೈಸೊವಾಲಾ ತ್ಯುನಾ ವಚ್ಚಾಯಕ್ಕ ಅಡ್ಡ ಗೊಡಿ ಟೆ ಕೈನ ಬಿಜಾ ಧಯಾತಾ. ತ್ಯುನೆ ಯಕ್ಕನೆ ಯಕ್ಕ ದ್ವೆಶ ಕರೊಕ್ಕೊತಾ. ತೆನೈಸೊ ಕ್ರಿಸ್ತ ತಿನು ಅಂಗಜಿ ದಿವಾನಾ ಮುಲಕ ದ್ವೆಷ ಕವಾನಿ ಗೊಡಿನೆ ಪಾಡಿ ಪಾಡ್ಯೊ.

15 ಯೆಹುದಿಯೊನು ಧರಮಶಾಸ್ತ್ರ ಘನ್ನಾ ಆಗನ್ನಾ ನಿಯಮೊ ವ್ವಂದಲ ಛಿ. ತೆ ನೈಸೊ ಕ್ರಿಸ್ತ ತೆ ಧರಮಶಾಸ್ತ್ರನೆ ಪುರಾ ಕರ್ರೊ ಯೆಹುದಿಯೊನೆ ವರಿ ಯೆಹುದಿ ನೈಸೊವಾಲಾವೊನೆ ತಿನಾಮಾ ಯಕ್ಕಜ್ಜ ಜನಾಂಗ ಕರಿನ ಶಾಂತಿ ಖಾಯಮ ಕರು ಕವಾನುಜ್ಜ ಕ್ರಿಸ್ತನು ಉದ್ದೆಶ ವ್ವತ್ತು.

16 ಎ ಭಂಬಿ ಜನಾಂಗೊನಾ ವಚ್ಚಾರ್ಲ್ಯಲ ದ್ವೆಶ ಕ್ರಿಸ್ತ ಶಿಲುಬಿನಾ ಮುಲಕ ಪುರಾ ಕರ್ರೊ ಎ ಜನಾಂಗೊ ಯಕ್ಕಜ್ಜ ಅಂಗ ಥಯಲ್ಪರ ತ್ಯುನೊನೆ ಕ್ಕುದಾ ಕನ ಚಲೌ ಕವಾನುಜ್ಜ ಕ್ರಿಸ್ತನು ಆಸ ವ್ವತ್ತು. ಶಿಲುಬಿ ಪರ ಜಲಮ ದಿವಾನಾ ಮುಲಕ ಕ್ರಿಸ್ತ ತಿನಿ ಎ ಆಸ ಪುರಾ ಕರ್ರೊ.

17 ಕ್ಕುದಾಕ್ಲು ದುರ ಥಯಲ ತುಮೊಕನಬಿ ನಜ್ಜಿಕ ರ್ಲ್ಯಲವಾಲಾವೊಕನಬಿ ಕ್ರಿಸ್ತ ಐನ ಸಮಾಧಾನನಾ ಹುತಿ ಉಪದೆಶ ಕರ್ರೊ.

18 ಹೊ, ಕ್ರಿಸ್ತನಾ ಮುಲಕ ಅಪೆ ಕ್ಕಾರಾ ಯಕ್ಲಾನಾ ಆತ್ಮಾಕ್ಲು ಅಪ್ಪೊಬಾ ಥಯಲ ಕ್ಕುದಾ ಕನ ಆವಾನೆ ಶಕ್ತ ಥಯಾಸ.

19 ತಿನಾಹುತಿ ಯೆಹುದ್ಯೊ ನೈಸೊವಾಲಾ ಥಯಲ ತುಮೆ ಹಮ್ಮಾ ಭಾರಲ್ಯಾ ದೆಶವಾಲಾ ನ್ವವ್ವೆ ವರಿ ಬಿಜಾ ಮನಕ್ಲೊ ನ್ವವ್ವೆ ಹಮ್ಮಾ ತುಮೆ ಕ್ಕುದಾನಾ ಪರಿಶುದ್ಧ ಮನಕ್ಲೊನಾ ಕ್ಲಾತೆ ಮನಕ್ಲೊ ಥಯಾಸ. ತುಮೆ ಕ್ಕುದಾನಾ ಘರದಾನನೆ ಮಳಲವಾಲಾ ಥಯಾಸ.

20 ವಿಶ್ವಾಸಿಯೊ ಥಯಲ ತುಮೆ ಕ್ಕುದಾನು ಸ್ವಂತ ಘರ ಥಯಾಸ. ಅಪೊಸ್ತಲೊ ಪ್ರವಾದಿಯೊ ಕವಾನಿ ಫಾಯಾನಾ ಉಪ್ಪರ ತೆ ಘರ ಭಾಂದಲ ಛಿ. ಕ್ರಿಸ್ತಜ್ಜ ತೆ ಘರನೊ ಮುಲಾಮಾನೊ ದಗ್ಗೊ ಥಯಾಸ.

21 ಪುರಾ ಘರಜ್ಜ ಕ್ರಿಸ್ತಮಾ ಯಕ್ಕ ಥೈನ ಛಿ. ಕ್ರಿಸ್ತಜ್ಜ ತೆ ಬೆಳಸಿನ ಪ್ರಭುಮಾ ಪರಿಶುದ್ಧ ಥಯಲ ದೆವಾಲಯ ಕರಸ.

22 ತುಮೆ ಕ್ರಿಸ್ತಮಾ ಬಿಜಾ ಮನಕ್ಲೊನಾ ಕ್ಲಾತೆ (ಯೆಹುದಿಯೊನಾ ಕ್ಲಾತೆ) ಭಂದಾವಾಡಾಸ. ಕ್ಕುದಾ ತಿನಿ ಆತ್ಮಾನಾ ಮುಲಕ ರ್ಲ್ಯವಾ ವರಕ್ಲು ರ್ಲ್ಯವಾನಿ ಜಗಾ ಥೈನ ರ್ಲ್ಯವಾಡಾಸ.

3

ಯಹುದ್ಯೊ ನೈಸೊವಾಲಾವೊನೆ ಪೌಲಾನಿ ಸೆವೆ

1 ಪೌಲಾ ಕವಾಲೊ ಮಿ ಕ್ರಿಸ್ತ ಯೆಸುನೊ ಸೆರೆ ಆಳ ವ್ಹ್ಯೆ ಯಹುದ್ಯೊ ನೈಸೊ ತುಮಾರಾ ಹುತಿ ಮಿ ಸೆರೆ ಆಳ ಥಯೊಸ.

2 ಕ್ಹುದಾ ತಿನಿ ಕೃಪಾನಾ ಮುಲಕ ಮನೆ ಎ ಕಾಮ ದಿದ್ಯೊಸ ಕವಾನು ತುಮೊನೆ ಕ್ಹರಿಬಿ ಗ್ವತ್ತ ಛಿ. ತುಮೊನೆ ಮದತ ಕರಾನೆ ಕ್ಹುದಾ ಎ ಕಾಮ ಮನೆ ದಿದ್ಯೊ.

3 ಕ್ಹುದಾ ತಿನಾ ದಡಿ ರ್ವಯಲ ವಿಚಾರ ಮನೆ ತಿಳಸಾಯೊ ವರಿ ದೆಕಾಡ್ಯೊ ಇನಾ ಹುತಿ ಮಿ ತೆಳಾಮಾಙ್ ತುಮೊನೆ ದಕ್ಖಬದ್ಯೊಸ.

4 ಮಿ ಬರ್ದಲ ಎ ಸಂಗತಿಯೊ ತುಮೆ ಒದಲ ರ್ವಯಾಮ ಕ್ರಿಸ್ತನು ದಡಿ ರ್ವಯಲ ಕ್ಹರಿನೆ ಮಿ ಕ್ಹರಿಬಿ ತಿಳದಿಲಿದ್ಯೊಸ ಕವಾನು ತುಮೊನೆ ಗ್ವತ್ತ ಥಾವಸ.

5 ಪಾಙ್ಲಲ್ಯಾ ಕಾಲಮಾ ರ್ವಯಲ ಮನಕ್ಲೊನೆ ತೆ ದಡಿನೆ ರ್ವಯಲ ಕ್ಹರಿನೆ ತೆ ತಿಳಸಾಯೊ ನೈ ಹಮ್ನಾ ತುಬಿ ಕ್ಹುದಾ ತಿನಿ ಆತ್ಮಾನಾ ಮುಲಕ ತೆ ದಡಿನ ರ್ವಯಲ ಕ್ಹರಿನೆ ತಿನಿ ಪರಿಶುದ್ಧ ಅಪೊಸ್ತಲೊನೆಬಿ ಪ್ರವಾದಿಯೊನೆಬಿ ದೆಕಾಡ್ಯೊಸ.

6 ಎ ತೆ ದಡಿನೆ ರ್ವಯಲ ಕ್ಹರಿ; ಯಹುದ್ಯೊ ನೈಸೊವಾಲಾ ಸುವಾರ್ತೆನಾ ಮುಲಕ ಕ್ರಿಸ್ತ ಯೆಸುಮಾ ರ್ವವಾಲಾ ಥೈನ ಯೆಹುದಿಯೊನಾ ಕ್ಹಾತೆ ಯಕ್ಕಜ್ಜ ಅಂಗ ರ್ವಯಲವಾಲಾ ವಾಗ್ದಾನಮಾ ಪಾಲ ಲಿವಾಲಾ ಥಯಾಸ.

7 ಕ್ಹುದಾ ದಿದಲ ಖಾಸ ಕೃಪಾ ವರಕ್ಹುಮಿ ಸುವಾರ್ತೆ ತಿಳಸಾನಾ ಹುತಿ ಸೆವಕ ಥಯೊ. ಕ್ಹುದಾ ತಿನಿ ತಾಕತ ಉಪಯೊಗ ಕರಿನ ಮನೆ ತೆ ಕೃಪಾ ವರ ದಿದ್ಯೊ.

8 ಕ್ಹುದಾನಾ ಮನಕ್ಲೊಮಾ ಮಿಙ್ ನ್ಹಾನೊ ವ್ಹ್ಯೆ ಕ್ರಿಸ್ತನಿ ಆಸ್ತಿನಾ ಹುತಿ ರ್ವಯಲ ಸುವಾರ್ತೆನೆ ಮಿ ಯಹುದ್ಯೊ ನೈಸೊವಾಲಾವೊನೆ ತಿಳಸೊ ಕೈನ ಕ್ಹುದಾ ಮನೆ ಕೃಪಾ ವರ ದಿದ್ಯೊ ತೆ ಆಸ್ತಿ ಪುರಾ ಕಳೆಲಿವಾನೆ ಸಾಧ್ಯ ನತ್ತಿ.

9 ದಡಿನ ರ್ಹಿಯಲ ತಿನಾ ವಿಚಾರೊ ಕ್ಹಾರಾ ಮನಕ್ಕೊನೆ ತಿಳಸೌ ಕವಾನು ಕಾಮ ಕ್ಹುದಾ ಮನೆ ದಿದ್ಯೊ ಪೈಲಾನಾ ಕಾಲ್ತು ತೆ ಕ್ಹುದಾ ಕನ ದಡಿನ ವ್ಹತ್ತು. ಹರಯಕ್ಕ ಸೃಷ್ಟಿ ಕರಲವಾಲೊ ಕ್ಹುದಾಱ ವ್ಹೆ.

10 ತಿನಾ ಬಿಜಾ-ಬಿಜಾ ತರಾನು ಗ್ಯಾನ ಆಕಾಶ ಮಂಡಳಮಾ ರ್ಹವಾನಾ ಕ್ಹಾರಾ ಅದಿಪತಿಯೊನೆ ಅದಿಕಾರಿಯೊನೆ ಹಮ್ಮಾ ಸಭೆನಾ ಮುಲಕ ಗ್ವತ್ತ ಥೌ ಕವಾನು ಕ್ಹುದಾನು ಉದ್ದೆಶ ವ್ಹತ್ತು.

11 ಪೈಲಾನಾ ಕಾಲ್ತೊ ಎಱ ಕ್ಹುದಾನು ವಿಚಾರ ವ್ಹತ್ತು. ಕ್ಹುದಾ ಅಪ್ಪೊ ಪ್ರಭು ಥಯಲ ಯೆಸು ಕ್ರಿಸ್ತನಾ ಮುಲಕ ತಿನಿ ವಿಚಾರ ಲಿಂಗತ ಕರಕ್ಕೊ.

12 ಅಪೆ ಕ್ರಿಸ್ತಮಾ ರ್ಹವಾನಾ ಬರೊಕ್ಕಾನಾ ಮುಲಕ ಕ್ಹುದಾ ಕನ ಸ್ವಾತಂತ್ರ ಕ್ಹುವರಿ ಭೆವಾಚಿ ಜಾವಾನೆ ಸಾಧ್ಯ ಥಯು.

13 ಇಮ್ಮ ರ್ಹತಾಮಾ ಮಿ ತುಮಾರಾ ಹುತಿ ಆವಾನಾ ತ್ರಾಸೊ ದೆಕಿನ ದುಖಿ ಥೈನ ಥೈಯ್ ಜವೈಲಿವೊ ನಕೊ. ಮಾರಾ ತ್ರಾಸೊ ತುಮೊನೆ ಮರ್ಯಾದಿ ಲಾವಸ.

ಕ್ರಿಸ್ತನಿ ಮಯಾ

14 ತಿನಾಹುತಿ ಬಾನಾ ಕ್ಹಾಮಾ ಉಂದಾ ಗುಡ್ಡಾ ಘಾಲುಸ.

15 ಭುಲೊಕಮಾ ವರಿ ಸ್ವರ್ಗಮಾ ರ್ಹವಾನು ಹರಯಕ್ಕ ಘರದಾನು ತಿನಾಕ್ಹುತಿನು ಕ್ಹರಿ ನಾಮ ವ್ಹಂದಿಲಿವಸ.

16 ಎ ತುಮಾರಾ ಆತ್ಮಾವೊನೆ ಘಟ್ಟ ಥೈನ ರ್ಹವಾನೆ ಚಾಯೆ ಥಯಲ ತಾಕತ ತಿನಿ ಮಹಿಮಾನಾ ಪ್ರಕಾರ ದಿವ್ ಕೈನ ಬಾ ಕನ ಮಾಂಗಿಲ್ಯುಸ. ತೆ ತಿನಿ ಆತ್ಮಾನಾ ಮುಲಕ ತುಮೊನೆ ತೆ ತಾಕತ ದಿವಸ.

17 ತುಮಾರಾ ಬರೊಕ್ಕಾನಾ ಮುಲಕ ಕ್ರಿಸ್ತ ತುಮಾರಾ ಮನಸ್ಸೊಮಾ ರ್ಹ ಕೈನ ಪ್ರಾಥನಾ ಕರುಸ. ತುಮಾರಿ ಜಿವ್ವಾ ಮಯಾಮಾ ಘಟ್ಟ ಥೈನ ರ್ಹ ಕೈನ ವರಿ ಮಯಾನಾ ಉಪ್ಪರ ಭಂದೌ ಕೈನ ಮಾಂಗಿಲ್ಯುಸ.

18 ತುಮೆ ವರಿ ಕ್ಹುದಾನಾ ಪರಿಶುದ್ಧ ಮನಕ್ಕೊ ಕ್ಹಾರಾ ಕ್ರಿಸ್ತನಿ ಮಯಾನಿ ಮಹತ್ವನೆ ಮತ್ತಬ ಕರಿಲಿವಾನೆ ಚಾಯೆ ಥಯಲ ತಾಕತ ವ್ಹಂದಿಲಿದಲವಾಲಾ ಥೌ ಕೈನ ಪ್ರಾಥನಾ ಕರುಸ. ಕ್ರಿಸ್ತನಿ ಮಯಾನು

ರುಂದಮಾ ಲಾಂಬಾಮಾ ವರಿ ಉಂಡಾಮಾ ಉಚ್ಚಾಮಾ ತುಮೆ ಅರ್ಥ ಕರಿಲ್ಯು ಕೈನ ಪ್ರಾಥನಾ ಕರುಸ.

19 ಕ್ರಿಸ್ತನಿ ಮಯಾ ಮನಕ್ಲೊ ತಿಳ್ವಿಲಿವಾನೆ ಸಾಧ್ಯ ನತ್ತಿ. ತೆನ್ನಿಸೊ ತೆ ಮಯಾನೆ ತುಮೆ ತಿಳ್ವಿಲಿವಾಲಾ ಥೌ ಕೈನ ಪ್ರಾಥನಾ ಕರುಸ. ತೆಳಾಮಾ ತುಮೆ ಕ್ವದಾನೆ ಪುರಾ ಮನಸ್ಸಕ್ಕು ಭರಲವಾಲಾ ಥಾವಾನೆ ಸಾಧ್ಯ ಥಾವಸ.

20 ಅಪೊಮಾ ಕಾಮ ಕರಾನು ತಿನಿ ತಾಕತಕ್ಕು ಅಪೆ ಪುಚ್ಚಾತಿಬಿ ವಿಚಾರ ಕರಾತಿಬಿ ಕೆಕ್ಲೊಕಿ ಘನ್ನು ಘನ್ನು ಕ್ವದಾ ಕರಸ.

21 ತಿನೆ ಸಭೆಮಾಬಿ ಕ್ರಿಸ್ತ ಯೆಸುಮಾಬಿ ತಲ ತಲಾಂತರಮಾಬಿ ಯುಗ ಯುಗಾಂತರಬಿ ಮಹಿಮಾ ಥಾವಾದೆ. ಆಮೆನ.

4

ಯಕ್ಕಜ ಅಂಗ

1 ಮಿ ಕ್ವದಾನೊ ರ್ವಯಲ ಹುತಿ ಜೈಲಮಾ ಲೆ. ತುಮೆ ಕ್ವದಾಕ್ಕು ಬಲಾಯಲವಾಲಾ ವ್ಹೈ, ತಿನಾಹುತಿ ತುಮಾರಾ ಬಲಾಯನಾ ಹುತಿ ತಿನಾಲಿಂಗತ ಯೊಗ್ಯ ಥೈನ ಜಿವ್ವಾ ಕರು ಕೈನ ತುಮೊನೆ ಮಾಂಗಿಲ್ಯಸ.

2 ಕೆಳಾಮಾಬಿ ತಗ್ಗಿನ, ವರಿ ತಾಳೆಕ್ಕು ರ್ವಯಲವಾಲಾ ಥೈನ ಯಕ್ಕೆ ಯಕ್ಕ ಮಯಾಕ್ಕು ತಡ್ವಿಲಿನ ರ್ವವೊ.

3 ತುಮೆ ತಿನಾ ಮುಲಕ ಸಮಾದಾನ ಕವಾನಾ ಬಂಧನೊ ಕ್ವು ಯಕ್ಕ ಥಯಾಸ. ಇನಾ ಲಿಂಗತ ರ್ವವಾನೆ ತುಮಾರಾ ಹತೆ ಥಯಲ ತೆಕ್ಕು ಕೊಶಿಶ ಕರೊ. ಸಮಾಧಾನ ತುಮೊನೆ ಕ್ವಾರಾವೊನೆ ಯಕ್ಕ ಕರಾದೆ.

4 ಅಂಗ ಯಕ್ಕಜ ವ್ಹೈ ವರಿ ಪವಿತ್ರ ಆತ್ಮಾಬಿ ಯಕ್ಕೊಜ ವ್ಹೈ ತುಮೆ ಕ್ವಾರಾ ಯಕ್ಕಜ ಆಸ ವ್ವಂದಲ ರ್ವಾಕ್ವೆನ ಕ್ವದಾ ತುಮೊನೆ ಬಲಾಯೊ.

5 ಯಕ್ಕೊಜ ಪ್ರಭು ವ್ಹೈ ಯಕ್ಕಜ ಬರೊಕ್ಲೊ ವ್ಹೈ ಯಕ್ಕಜ ಬಾಪ್ತಿಸ್ಮ ವ್ಹೈ

6 ಕ್ವಾರಾವೊನೆ ಬಾ ಥಯಲ ಕ್ವದಾ ಯಕ್ಕೊಜ ವ್ಹೈ ತೆ ಕ್ವಾರುಜ ಅದಿಕಾರಕ್ಕು ಆಳಸ. ತೆ ಕ್ವಾರಿ ಜಗಾ ರ್ವವಾಲೊ ವ್ಹೈ ವರಿ ಕ್ವಾರಾವೊಮಾ ರ್ವವಾಲೊ ವ್ಹೈ

7 ಕ್ರಿಸ್ತ ತುಮೊಮಾ ಹರ ಯಕ್ಲಾವೊನೆ ಖಾಸ ವರಾ ದಿದ್ಯೊಸ. ಹರಯಕ್ಲೊ ಕ್ರಿಸ್ತನಿ ಆಸ ಲಿಂಗತ ವರ ವ್ಹಂದಿಲಿದ್ಯೊಸ.

8 ತಿನಾಹುತಿಜ ಪವಿತ್ರ ಗ್ರಂಥಮಾ ಇನಾ ಲಿಂಗತ ಬರ್ದಲ ಛಿ; "ತೆ ಉನ್ನತ ಜಗಾಪರ ಉಪ್ಪರ ಜಾತಾಮಾ ದುಶ್ಮನೊನೆ ಕೈದಿಯೊ ಕರಿನ ನಿಂಗೈನ ಮನಕ್ಲೊನೆ ದಾನ ಧರ್ಮ ಕರಯ್ತೊ"

9 "ತೆ ಉನ್ನತ ಜಗಾಯೆ ಗಯೊ" ಕದ್ಯಾಮ ತೆ ಭುಲೊಕ ಪರ ಉತ್ರನ ಐನ,

10 ಜಿಮಿನನಾ ಅಧೊಲೊಕನೆ ಉತ್ರನ ಗೈನ, ತ್ಯಾಂತೊ ಹಬಾಳ ದಾಟಿನ ಉನ್ನತ ಜಗಾಯೆ ಗಯೊ ಮತ್ಲಬ ವ್ಹ್ಯೆ ಆಕಾಶ ಮಂಡಲಮಾ ತೆ ರ್ಲೊಕ್ಲೆನ ತೆ ತಿಮ್ಮ ಕರಯ್ತೊ

11 ತೆ ದಕ್ಲಾ ಜನಾವೊನೆ ಅಪೊಸ್ತಲೊ ಕರಿನ ದಕ್ಲಾ ಜನಾವೊನೆ ಪ್ರವಾದಿ ಕರಿನ ದಕ್ಲಾ ಜನಾವೊನೆ ಸುವಾರ್ತೆ ಕವಾಲಾ ಕರಿನ ದಕ್ಲಾ ಜನಾವೊನೆ ಸಭಾಪಾಲಕ ಕರಿನ ವರಿ ಉಪದೇಶಕ ಕರಿನ ನೆಮಶ್ಯೊ

12 ಕ್ರಿಸ್ತನಿ ಸೆವಾನಾ ಹುತಿ ಕ್ಲುದಾ ಪರಿಶುದ್ಧ ಮನಕ್ಲೊನೆ ತಯ್ಯಾರ ಕರಾನೆ ತೆ ತ್ಯುನೊನೆ ನೆಮಿಸ್ಯೊ

13 ತಿನಾಹುತಿ ಅಪೆ ಕ್ಲಾರಾ ಬರೊಕ್ಲಾಕ್ಲು ಕ್ಲುದಾನಾ ದಿಕ್ರಾನಾ ವಿಷಯನಾ ಗ್ಯಾನಕ್ಲು ಯಕ್ಲ ಥಯೆ ಲಕ್ಲಾ ಎ ಸೆವಾ ಅಗು ಬಡು. ಅಪೆ ಪುರಾ ಥಯೆ ಲಕ್ಲಾಕದ್ಯಾಮ ಪುರಾ ಮನಸ್ಸಕ್ಲು ಮುಟ್ಟೆ ಲಕ್ಲಾ ಬೆಳದು.

14 ತಿನಾಹುತಿ ಅಪೆ ಹಮ್ಮಾತಾ ಬಚ್ಚಾ ಧೈನ ರ್ಲೊನ್ಯೆ ಸಮುಂದರನಿ ಧಡ್ಕಿಯೊ ಹೈತಿ ಭಾವಾನಾ ಹಡ್ಕೊ ಲಿಂಗತ ಗಲಿ ಬಿಲಿ ಥೌನ್ಯೆ ಅಪೊನೆ ಮೊಸ ಕರಾನೆ ಮನಕ್ಲೊ ಕವಾನಾ ಕಯಾಜ ನವಾ ಉಪದೇಶೊಕ್ಲು ಅಪೆ ಕಳವಳ ಥೌನ್ಯೆ ಮನಕ್ಲೊನೆ ಮೊಸ ಕರಿನ ಕೆಟ್ಟ ವಾಟಮಾ ಚಲೌ ಕವಾನಿ ಉದ್ದೆಶಕ್ಲು ತೆ ಕೆಟ್ಟ ಬೊದಕೊ ಬಿಜಾ-ಬಿಜಾ ತರಾನಾ ವಿಚಾರೊ ಕರಸ.

15 ಅಪೆತುಬಿ ಕ್ಲರಿನೆ ಮಯಾಕ್ಲು ಕೌ; ಕ್ಲಾರಾ ವಿಷಯಮಾ ಬೆಳ್ಳಿನ ಕ್ರಿಸ್ತ ಥಾವಾನೆ ಕೊಶಿಶ ಕರು. ಕ್ರಿಸ್ತ ಮಾತು ಥಯೊಸ ಅಪೆ ಅಂಗ ಥಯಾಸ.

16 ಪುರಾ ಅಂಗಜ ಯೆಸುನೆ ಸಂಬಂಧ ರ್ಲೊಯಲ ವ್ಹ್ಯೆ ಅಂಗನು

ಯಕೆಕ ಭಾಗ ಯಕ್ಕನೆ ಯಕ್ಕಕ ಮಳಿನ ಛಿ. ಹರಯಕ್ಕ ಅಂಗ ತಿನು ತೆ ಕಾಮ ಕರಾಕ್ಕು ಪುರಾ ಅಂಗಜ್ಜ ಬೆಳ್ಳಿನ ಮಯಾಮಾ ಘಟ್ಟ ಧೈನ ರ್ವಾನೆ ಸಾಧ್ಯ ಥಾವಸ.

ಕ್ರಿಸ್ತಮಾ ನವೊ ಜಿವನ

17 ಪ್ರಭುನಾ ಹುತಿ ಮಿ ತುಮೊನೆ ಎ ಕೌಸ ವರಿ ಹುಶಾರಕಿ ದಿವ್ವ ಅಬಿಶ್ವಾಸಿಯೊ ಲಿಂಗತ ಇತ್ತಿ ಉಪ್ಪರ ಜಿವ್ವಾ ಕರೊ ನಕೊ. ತ್ಯುನಾ ವಿಚಾರೊ ಉಪಯೊಗ ನೈಸೊ ಥಯಾಸ.

18 ತ್ಯುನೆ ಕಳಿ ಲೆತಾ ನೈ ವರಿ ತ್ಯುನಾ ಮನಸೊ ಘಟ್ಟ ಕರ್ಲಿದಲ ರ್ವವಸ. ತ್ಯುನೆ ನೈ ಐಕಲಕ್ಕು ತ್ಯುನೊನೆ ಸುಜ್ಜ ಗ್ವತ್ತ ನತ್ತಿ. ತಿನಾಹುತಿ ಕ್ಕುದಾ ದಿವಾನಿ ಜಿವಿತ ವ್ವಂದಿಲಿವಾನೆ ತ್ಯುನೊನೆ ಸಾಧ್ಯ ನತ್ತಿ.

19 ತ್ಯುನೊನೆ ಸರಮ ನತ್ತಿ. ತ್ಯುನೆ ತ್ಯುನಾ ಜಿವಿತೊ ಕೆಟ್ಟ ಕಾಮೊನೆ ಉಪಯೊಗ ಕರಸ; ವರಿ ತ್ಯುನೊನೆ ರ್ವಯಲ ಘನ್ನಿ ಆಸ, ಕ್ಕಾರಾ ತರಾನಾ ಕೆಟ್ಟ ಕಾಮೊ ಹಜುನ ಘನ್ನು ಕರಾನೆ ಆಸ ಕರಸ.

20 ತೆನೈಸೊ ಕ್ರಿಸ್ತನಾ ತುಮೆ ಶಿಕ್ಕಲ ಎ ಕ್ಕಾರು ನ್ವವ್ವೊ.

21 ತುಮೆ ತಿನು ವಿಶಯ ಐಕ್ಯಾಸ ಕವಾನು ಮನೆ ಗ್ವತ್ತ ಛಿ. ತುಮೆ ತಿನಾಮಾ ರ್ವವಾಕ್ಕು ಕ್ಕರಿ ಶಿಕ್ಯಾಸ. ಹೊ, ಕ್ಕರಿ ಕವಾನು ಯೆಸುಮಾ ಛಿ.

22 ತುಮೆ ತುಮಾರಾ ಪಾಚ್ಚಲ್ಯಾ ಕೆಟ್ಟ ಕಾಮೊ ಛೊಡು ಕವಾನು ಕದ್ಯಾಮ ತುಮಾರಿ ಜುನ್ನಿ ಚಾಳಿಯೊ ಛೊಡಿ ಪಾಡು ಕೈನ ಶಿಕ್ಯಾ ಮನಕ್ಕೊ ತ್ಯುನೆ ಕರು ಕೈನ ಆಸ ಕರಾನಾ ಕೆಟ್ಟ ಕಾಮೊಕ್ಕು ಜುಡಿನ ರ್ವಯಲಕ್ಕುತೆ ಜುನ್ನಿ ಚಾಳಿಯೊ ದಿನ್ನತಾ ದಿನ್ನೆ ಹಜುನ ಕೆಟ್ಟ ಥಾವಸ.

23 ತೆನೈಸೊ ಅಂತರಂಗಮಾ ನವಾ ಧೈನ ನವಾ ಚಾಳಿಯೊ ವ್ವಂದಿಲಿವಾ ಲಿಂಗತ ತುಮೆ ಶಿಕ್ಯಾಸ.

24 ತೆ ಚಾಳಿಯೊ ಕ್ಕುದಾನಿ ಹೊಲಿಕೆನಾ ಪ್ರಕಾರ ಕ್ಕರಿನಿ ನಿತಿ ರ್ವಯಲ ಪರಿಶುದ್ಧ ರ್ವ್ವಿನ ಭಾಂದಲ ಛಿ.

25 ತಿನಾಹುತಿ ತುಮೆ ಸುಳ್ಳ ಬೊಲ್ಯಾವಾಚಿ ಯಕನೆ ಯಕ್ಕ ಕೆಳಾಮಾಬಿ ಕ್ಕರಿಜ್ಜ ಕವೊ. ಕಾಕದ್ಯಾಮ ಅಪೆ ಕ್ಕಾರಾ ಯಕ್ಕಜ್ಜ ಅಂಗನೆ ಮಳಲ

ಭಾಗೊ ವ್ಹೈ

26 ಶಿಟ್ಟ ಧಯಾತುಬಿ ಪಾಪ ಕರೊ ನಕೊ ವರಿ ದಿನ್ನ ಕ್ಹಾರಿ ಶಿಟ್ಟಮಾಜ ರ್ವೊ ನಕೊ.

27 ತುಮೊಪರ ಝಿತ್ತಾನೆ ಸೈತಾನನೆ ಮೌಕೊ ನಕೊ ದಿವೊ.

28 ಚ್ಚಟ್ಟೊ ಭೊರಿ ಕರಾನು ಭೊಡಿನ ತೆಜ ರಾಬಾದೆ; ತೆ ತಿನಾ ಹತೊ ಭೊಕು ಕರಾನೆ ಉಪಯೊಗ ಕರಾದೆ. ತೆಳಾಮಾ ಗರಿಬೊನೆ ಮದತ ಕರಾನೆ ತಿನೆ ಸಾಧ್ಯ ಥಾವಸ.

29 ತುಮಾರಾ ಮೊಡಾಕ್ಹು ಕೆಟ್ಟ ವಾತೊ ಔ ನೈ ಭಕ್ತಿನೆ ಘಟ್ಟ ಕರಾನಾ ಕಾಲನೆ ಕರೆಟ್ಟ ರ್ವಯಲ ವಾತೊ ರ್ವಯಾರೆ ಐಕಾಲಾವೊನಾ ಭೊಕಾನಾ ಹುತಿ ತೆ ಕವೊ.

30 ಪವಿತ್ರ ಆತ್ಮಾನೆ ದುಖ ಕರೊ ನಕೊ. ತುಮೆ ಕ್ಹುದಾನೆ ಮಳಲವಾಲಾ ವ್ಹೈ ಕವಾನೆ ತೆಜ ಕ್ಹುದಾನು ಪ್ರಮಾಣ ಥಯೊಸ ಕರೆಟ್ಟ ಟೈಮಮಾ ತುಮೊನೆ ಬಿಡುಗಡೆ ಕರುಸ ಕವಾನು ದೆಕಾಡಾನಾ ಹುತಿ ಕ್ಹುದಾ ತುಮೊನೆ ತಿನೆ ದಿದ್ಲೊ.

31 ಕ್ಹಾರು ದ್ವೈಶ, ಶಿಟ್ಟ, ಕಳವಳ, ದುಶಣೆ, ಎ ಕ್ಹಾರಾ ತರಾನಾ ಕೆಟ್ಟ ತನಾ ತುಮೊಕ್ಹು ದುರ ಕರೊ.

32 ಯಕ್ಹನೆ ಯಕ್ಹ ಮರಗಾ ದೆಕಾಡೊ. ಯಕ್ಹನೆ ಯಕ್ಹ ಮಯಾ ಕರೊ. ಕ್ಹುದಾ ಕ್ರಿಸ್ತಮಾ ತುಮೊನೆ ಮಾಪ ಕರಲ ಲಿಂಗತ ತುಮೆ ಯಕ್ಹನೆ ಯಕ್ಹ ಮಾಫ ಕರೊ.

5

ಉಜಾಲಾಮಾ ರ್ವಾವಾಡಾಸ.

1 ತುಮೆ ಕ್ಹುದಾನಾ ಮಯಾನಾ ಬಚ್ಚಾ ವ್ಹೈ; ತಿನಾಹುತಿ ತುಮೆ ತಿನಾ ಲಿಂಗತ ರ್ವೊ

2 ಮಯಾಕ್ಹು ರ್ವೊ. ಕ್ರಿಸ್ತ ತುಮೊನೆ ಮಯಾ ಕರಲ ಲಿಂಗತ ತುಮೆ ಬಿಜಾವೊನೆ ಮಯಾ ಕರೊ. ಕ್ರಿಸ್ತ ಅಪ್ಪಾ ಹುತಿ ತಿನೆ ತೆಜ ಬಾಸನು ತೆಲ ಕಾಣಿಕೆ ಥೈನ ಯಜ್ಞ ಥೈನ ಕ್ಹುದಾನೆ ತೆನ್ನೆಸೊ ತಿನೆಜ ದಿದ್ಲೊ.

3 ತೆನ್ನೈಸೊ ತುಮಾರಾ ವಚ್ಚಾ ಅಂಗನು ಪಾಪ ರೌನ್ಯೈ ಕಯಾ ತರಾನು ಕೆಟ್ಟ ರ್ವವಾದೆ ಮಿ ಕವಾನು ರ್ವವಾದೆ ರೌನ್ಯೈ ಕಾಕದ್ಯಾಮ ತೆ ಕ್ಕುದಾನಾ ಪರಿಶುದ್ಧ ಮನಕ್ಕೊನೆ ಚಾಯೆ ಥಯಲ ನ್ವವ್ವೈ

4 ತೆನ್ನೈಸೊ ತುಮಾರಾ ವಚ್ಚಾ ಕೆಟ್ಟ ವಾತೊ ರೌನ್ಯೈ ತುಮೆ ಮುರಖ ತನಾಕ್ಕು ಬೊಲು ನೈವರಿ ಕೆಟ್ಟ ಅಕ್ಟಾನಾ ವಾತೊ ಬೊಲು ನೈ ತೆ ತುಮೊನೆ ಚಾಯೆ ಥಯಲ ನ್ವವ್ವೈ ತೆನ್ನೈಸೊ ಕ್ಕುದಾನೆ ಸ್ತೊತ್ರ ಕವಾಲಾ ರೌನ್ಯೈ

5 ಎ ತುಮೊನೆ ಚೊಕಿ ತರಾ ಗ್ವತ್ತ ರ್ವವಾದೆ; ಅಂಗನಾ ಪಾಪೊ ಕರಾಲಾವೊನೆ, ಕೆಟ್ಟ ಕಾಮೊ ಕರಾಲಾವೊನೆ, ಮಿ ಕವಾಲಾವೊನೆ, ಕೆಟ್ಟ ಆಸ ಕರಾಲಾ, ಕ್ರಿಸ್ತನಾ ವರಿ ಕ್ಕುದಾನಾ ರಾಜ್ಯಮಾ ಭಗಾಭ ನತ್ತಿ. ಮಿ ಕವಾನು ಮುರತಿಯೊನೆ ಆರಾಧನಾ ಕರಲ ಲಿಂಗತ ಸೆಮ ಲೈ.

6 ಕ್ಕರಿ ನೈರ್ವಯಲ ಸಂಗತಿಯೊ ಕೈನ ತುಮೊನೆ ಮೊಸ ಕರಾನೆ ಕಿನೆಜು ಮೌಕೊ ದಿವೊ ನಕೊ. ತೆ ಸಂಗತಿಯೊನಾ ಮುಲಕ ಕ್ಕುದಾನಿ ಶಿಟ್ಟ ತಿನೆ ವಿಧೆಯ ನೈಥಾವಾಲಾ ಮನಕ್ಕೊನಾ ಉಪ್ಪರ ಆವಸ.

7 ತಿನಾಹುತಿ ತುಮೆ ತ್ಯವಾ ಮನಕ್ಕೊನಾ ಕ್ಕಾತೆ ವಾಟೊ ಲಿವಾಲಾ ಥಾವೊ ನಕೊ.

8 ಕಾಕದ್ಯಾಮ ಪಾಚಲ್ಯಾ ಕಾಲಮಾ ತುಮೆ ಅಂದಾರು ಥಯಾತಾ. ಹಮ್ಮಾ ತುಬಿ ತುಮೆ ಪ್ರಭುಮಾ ಪುರಾ ಉಜಾಲು ಥಯಾಸ. ತಿನಾಹುತಿ ಉಜಾಲಾನೆ ಮಳಲ ಬಚ್ಚಾ ಲಿಂಗತ ಜಿವ್ವಾ ಕರೊ.

9 ಉಜಾಲಾನು ಫಲ ಚೊಕಾಮಾಬಿ ನಿತಿಮಾಬಿ ಕ್ಕರಿಮಾಬಿ ದಿಕ್ಟಿನ ಆವಸ.

10 ಪ್ರಭುನೆ ಕಯು ಪಸಂದ ಲೈ ಕವಾನು ತಿಳ್ವಲಿವಾನೆ ಕೊಶಿಶ ಕರೊ.

11 ಅಂದಾರಾಮಾ ರ್ವವಾನಾ ಮನಕ್ಕೊ ಕರಾನಾ ಕಾಮೊ ಕರೊ ನಕೊ. ತಿಕ್ಕು ಚೊಕು ಸುಜ ಧಾತು ನೈ ತೆನ್ನೈಸೊ ಅಂದಾರಾಮಾ ಥಾವಾನಾ ಕಾಮೊ ತಪ್ಪವ್ವೈ ಕವಾನು ದೆಕಾಡಾನೆ ಚೊಕಾ ಕಾಮೊ ಕರೊ.

12 ತೆ ಮನಕ್ಕೊ ಗುಪ್ತ ಕಾಮೊನಾ ಹುತಿ ಬೊಲಾನೆಬಿ ಸರಮ ಆವಸ.

13 ತೆನ್ನೈಸೊ ತೆ ಕಾಮೊ ತಪ್ಪವ್ವೈ ಕೈನ ಅಪೆ ದೆಕಾಡತಾಮಾ ಉಜಾಲಾಕ್ಕು ತೆ ಕಾಮೊ ಚೊಕಿ ತರಾ ದಿಕ್ಟಸ.

14 ಹರಯಕ್ಕಬಿ ಚೊಕಿ ತರಾ ದೆಕಾಡಾನುಜ ಉಜಾಲು ವ್ವೈ

ತಿನಾಹುತಿ ಅಮ್ಮಬರ್ದಲ ಛಿ;

15 ತಿನಾಹುತಿ ತುಮೆ ಕಿಮ್ಮ ಜಿವ್ವಾ ಕರಾಡಾಸ ಕವಾನಾ ಹುತಿ ಘನ್ನಾ ಹುಶಾರಕ್ಕು ರ್ವವೊ. ಗ್ಯಾನ ನೈಸೊ ಮನಕ್ಕೊ ಲಿಂಗತ ಜಿವ್ವಾ ಕರ್ಯಾವಾಚಿ ಗ್ಯಾನಿಯೊ ಲಿಂಗತ ಜಿವ್ವಾ ಕರೊ.

16 ಎ ದಿನ್ನೊ ಕೆಟ್ಟ ಛಿ. ತಿನಾಹುತಿ ತುಮೊನೆ ರ್ವಯಲ ಹರಯಕ್ಕ ಮೊಕೊ ಚೊಕು ಕರಾನೆಚ್ಚ ಉಪಯೊಗ ಕರೊ.

17 ತುಮೆ ಪಿಸಾಳಾ ಥಯಾವಾಚಿ ಕ್ಕುದಾನಿ ಚಿತ್ತ ಸು ವ್ಹೈ ಕವಾನು ತಿಳ್ಳಿಲಿವೊ.

18 ಪಿನ ನಿಶಾಮಾ ರ್ವವೊ ನಕೊ, ತೆ ಪಾಪನಾ ಕಾಮೊಮಾ ಚಲಾವಸ, ತೆನ್ನೊ ಕೆಳಾಮಾಬಿ ಪವಿತ್ರ ಆತ್ಮಾಕ್ಕು ಭರಲ ರ್ವವೊ.

19 ಕಿರತನೆಕ್ಕು ಗಿದ್ವೊಕ್ಕು ಆತ್ಮಿಕ ಗಿದ್ವೊಕ್ಕು ಯಕ್ಕೆ ಯಕ್ಕ ಬೊಲೊ. ತುಮಾರಾ ಮನಸೊಮಾ ಪ್ರಭುನೆ ಮೆಜಿಕ ವಜಾಡಿನ ಗಿದ್ವೊ ಕವೊ.

20 ಹರಯಕ್ಕ ವಿಷಯಮಾಬಿ ಬಾ ಥಯಲ ಕ್ಕುದಾನೆ ಅಪ್ಪೊ ಪ್ರಭು ಯೆಸು ಕ್ರಿಸ್ತನಾ ನಾಮಪರ ಕೆಳಾಮಾಬಿ ಸ್ತೊತ್ರಾ ಕರೊ.

ಮಾಟಿಯೊ ವರಿ ಬೈಕೊವೊ

21 ತುಮೆ ಯಕ್ಕನೆ ಯಕ್ಕ ಅಧಿನ ಥೈನ ರ್ವಾ ಕಾಕದ್ಯಾಮ ತುಮೆ ಕ್ರಿಸ್ತಮಾ ಭೆ ಭಕ್ತಿಕ್ಕುಣಿ.

22 ಬಾಕ್ಡಿಯ, ತುಮೆ ಪ್ರಭುನೆ ಮ್ಹೈ ಥೈನ ರ್ವಯಲ ಲಿಂಗತ ತುಮಾರಾ ಮಾಟಿಯೊನೆಬಿ ಮ್ಹೈ ಥೈನ ರ್ವವೊ.

23 ಕ್ರಿಸ್ತ ಸಭೆನೆ ಮಾತು ರ್ವಯಲ ಲಿಂಗತ ಮಾಟಿಬಿ ಬೈಕೊನೆ ಮಾತು ಥಯೊಸ. ಸಭೆ ಕ್ರಿಸ್ತನು ಅಂಗ ವ್ಹೈ ಕ್ರಿಸ್ತ ತೆ ಅಂಗನೊ ರಕ್ಷಕ ಥಯೊಸ.

24 ಸಭೆ ಕ್ರಿಸ್ತನಾ ಅದಿನಮಾ ಛಿ. ತಿನಾ ಲಿಂಗತಚ್ಚ ಬೈಕೊ ಮಾಟಿನಾ ಅದಿನಮಾ ಛಿ. ಹರಯಕ್ಕ ವಿಷಯಮಾ ಬೈಕೊ ತ್ಯುನಾ ಮಾಟಿನೆ ಅದಿನ ಥೈನ ರ್ವಾ

25 ಮಾಟಿಯೊ, ಕ್ರಿಸ್ತ ಸಭೆನೆ ಮಯಾ ಕರಲ ಲಿಂಗತ ತುಮೆ ತುಮಾರಿಯೊ ಬೈಕೊನೆ ಮಯಾ ಕರು.

26 ಕ್ರಿಸ್ತ ಸಭೆಗೆ ಪರಿಶುದ್ಧ ಕರಾನಾ ಹುತಿ ಜಲಮ ದಿದ್ಯೊ. ಸುವಾರ್ತೆ ಕವಾನಾ ಮುಲಕ ಪಾನಿಕ್ಟುಡ್ವಯಿನ ತೆ ಸಭೆಗೆ ಪರಿಶುದ್ಧ ಕರೊ.

27 ಮಹಿಮಾನೆ ತಯ್ಯಾರ ರ್ವಯಲ ಜಾಂಜಿಮಾನ ಲಿಂಗತ ರ್ವವಾನಿ ಸಭೆ ತಿನೆ ದಿವ ಕೈನ ತೆ ಜಲಮ ದಿದ್ಯೊ. ಸಭೆ ದೊಶ ನೈಸೊ ಶುದ್ಧ ರ್ವ ಕೈನ ವರಿ ಕೆಟ್ಟತನಾ ರ್ವವಾದೆ ಪಾಪ ರ್ವವಾದೆ ತೆನೈಸೊ ಬಿಜು ಕಯುಜು ತಪ್ಪ ರ್ವವಾದೆ ಸಭೆಮಾ ರ್ವನೈಸೊ ಕೈನ ತೆ ಜಲಮ ದಿದ್ಯೊ.

28 ತಿನಾಹುತಿ ಮಾಟಿಯೊ ತ್ಯನಾ ಸ್ವಂತ ಅಂಗೊನೆ ಮಯಾ ಕರಲ ಲಿಂಗತ ತ್ಯನಿ ಬೈಕೊನೆ ಮಯಾ ಕರು. ತಿನಿ ಬೈಕೊನೆ ಮಯಾ ಕರಾಲೊ ತಿನೆ ತೆಜ ಮಯಾ ಕರಾಲೊ ಥಯೊಸ.

29 ಕಾಕದ್ಯಾಮ ಕುನ್ನಜ ಕೆಳಾಮಾ ತಿನಾ ಅಂಗನೆ ದ್ವಿಷ ನೈ ಕರೊ. ಹರಯಕ್ಲೊ ತಿನಾ ಅಂಗನೆ ಚೊಕಿ ತರಾ ದೆಕಿಲಿವಸ. ಕ್ರಿಸ್ತ ಸಭೆನಾ ಹುತಿ ಕರಾನುಜ ತೆ ವ್ವೊ.

30 ಕಾಕದ್ಯಾಮ ಅಪೆ ತಿನಾ ಅಂಗನಾ ಭಾಗೊ ಥಯಾಸ.

31 ಪವಿತ್ರ ಗ್ರಂಥಮಾ ಕದಲ ಲಿಂಗತ"ತಿನಾಹುತಿ ದಾಣಗೊ ತಿನಾ ಮಾ ಬಾಪನೆ ಛೊಡಿನ ತಿನಿ ಬೈಕೊಮಾ ಮಳಸ ವರಿ ತ್ಯನೆ ಭಂಬಿ ಜನಾ ಯಕ್ಟಜ ಅಂಗ ಥಾವಸ"

32 ಮಿ ಕ್ರಿಸ್ತನೆಬಿ ಸಭೆನೆಬಿ ರ್ವಯಲ ಸಂಬಂಧನಾ ಹುತಿ ಬೊಲಾಡೊಸ. ರಹಸ್ಯ ರ್ವಯಲ ಎ ಕ್ಕರಿ ಘನ್ನು ಖಾಸ ರ್ವಯಲ ವ್ವೊ.

33 ತೆನೈಸೊ ತುಮೊಮಾ ಹರಯಕ್ಟ ಮಾಟಿ ತಿನೆ ತೆಜ ಮಯಾ ಕರಲ ಲಿಂಗತ ತಿನಿ ಬೈಕೊನೆ ಮಯಾ ಕರು ವರಿ ಬೈಕೊ ತಿನಾ ಮಾಟಿನೆ ಭಿ ಭಕ್ತಿಕ್ಟುರೊ.

6

1 ಬಚ್ಚಾವೊ, ಪ್ರಭುನಾ ಚಿತ್ತ ಲಿಂಗತ ತುಮಾರಾ ಮಾ ಬಾಪನೆ ವಿಧಿಯ ಧೈನ ರ್ವವೊ. ತೆ ನ್ಯಾಯಬದ್ಧ ರ್ವಯಲ ವ್ವೊ.

2 ಕ್ಕುದಾನಿ ಆಗನ್ಯಾ ಕಯೆ ಲಿಂಗತ"ತುಮೆ ತುಮಾರಾ ಮಾ ಬಾಪನೆ ಮರ್ಯಾದಿ ದಿವ ಎ ಪಸ್ತ ಆಗನ್ಯಾನೆ ಸಂಬಂಧ ಛಿ.

3 ತೆ ವಾಗ್ದಾನ ಅಮ್ಮ ಛಿ; "ತೆಳಾಮಾ ತುಮೊನೆ ಚೊಕು ಥಾವಸ ವರಿ ತುಮೆ ಜಿಮಿನ ಪರ ಘನ್ನಾ ವರಕ್ಟ ಜಿವ್ತಾ ರ್ಲವೊಶಿ"

4 ಬಾಪೊ, ತುಮಾರಾ ಬಚ್ಚಾವೊನೆ ಶಿಟ್ಟಿ ಲಾಯಾವಾಚಿ ಪ್ರಭುನಾ ಉಪದೇಶಕ್ಟು ಬಾನಾ ಬಚ್ಚಾವೊ ಲಿಂಗತ ಬೆಳ್ಳಾವೊ.

5 ಸೆವಕೊ, ತುಮಾರಾ ಭುಲೊಕನಾ ಮಾಲಕೊನೆ ಭೆಕ್ಕು ಮರಯಾದಿಕ್ಟು ವಿಧೆಯ ಥಾವೊ. ತುಮೆ ಕ್ರಿಸ್ತನೆ ವಿಧೆಯ ಥಯೆ ಲಿಂಗತ ಯಥಾರಥ ಮನಸಕ್ಟು ವಿಧೆಯ ಥಾವೊ.

6 ತ್ಯುನಿ ಮಯಾ ಗಳಸಿಲ್ಯು ಕೈನ ತ್ಯುನೆ ದೆಕ್ತಾಮಾ ಸೆವಾ ಕರ್ಯಾವಾಚಿ ತುಮೆ ಕ್ರಿಸ್ತನೆ ವಿಧೆಯ ಥೈನ ರ್ಲಯಲ ಲಿಂಗತ ತ್ಯುನೊನೆಬಿ ವಿಧೆಯ ಥೈನ ರ್ಲ ಕ್ಕುದಾನೆ ಪಸಂದ ರ್ಲಯಲ ತುಮೆ ಪುರಾ ಮನಸ್ಸಕ್ಟು ಕರು.

7 ತುಮೆ ಕರಾನಾ ಕಾಮೊ ಖುಶಿಕ್ಟು ಕರೊ. ಖಾಲಿ ಮನಕ್ಲೊನಿ ಸೆವಾ ಕರಾಲಾ ಲಿಂಗತ ಕರ್ಯಾವಾಚಿ ಪ್ರಭುನಿ ಸೆವಾ ಕರಾಲಾ ಲಿಂಗತ ಕರೊ.

8 ಚೊಕು ಕರಾಲಾ ಹರ ಯಕ್ಲಾನೆಬಿ ಕ್ಕುದಾ ಪ್ರತಿ ಫಲ ದಿವಸ ಕವಾನು ಶೆಮಾ ಮ್ಲೆಲಿವೊ. ಹರಯಕ್ಟು ಮನಕ್ಟು ತಿನೊ ಸೆವಕ ಥೈನ ರ್ಲವಾದೆ ತಿನೈಸೊ ಸ್ವಾತಂತ್ರ ಥೈನ ರ್ಲವಾದೆ ತೆ ಕರಾನಾ ಚೊಕಾ ಕಾಮೊನೆ ಪ್ರತಿಫಲ ವ್ಹಂದಿಲಿವಸ.

9 ಮಾಲಕೊ, ತಿನಾ ಲಿಂಗತಚ್ಚ ತುಮಾರಾ ಸೆವಕೊನೆ ಚೊಕಾ ಥೈನ ರ್ಲವೊ. ತ್ಯುನೊನೆ ಭೆ ಆಯೆ ಲಿಂಗತ ಬೊಲೊ ನಕೊ. ತುಮೊನೆಬಿ ತ್ಯುನೊನೆಬಿ ಮಾಲಕ ರ್ಲಯಲವಾಲೊ ಸ್ವರ್ಗ ಲೊಕಮಾ ಛಿ ಕವಾನು ತುಮೊನೆ ಗ್ಲತ್ತ ಛಿ. ತೆ ಹರ ಯಕ್ಲಾನೆಬಿ ವಿರುದ್ಧ ನೈಸೊ ಫೈಸಲೊ ಕರಸ.

ಕ್ಕುದಾನಾ ಕ್ಕಾರಾ ಆಯುದೊ ಫಾಲಿವೊ

10 ಲಾಸ್ವ ವಾತ ಸುವ್ವೈ ಕದ್ಯಾಮ, ಪ್ರಭುಮಾ ತಿನಿ ಮ್ಲೊಟಿ ತಾಕತಮಾ ಘಟ್ಟಿ ಥೈನ ರ್ಲವೊ.

11 ಕ್ಕುದಾನಾ ಕ್ಕಾರಾ ಆಯುದೊ ಫಾಲಿವೊ. ತೆಳಾಮಾ ಸೈತಾನನಾ ಕುತಂತ್ರನೆ ವಿರುದ್ಧ ಥೈನ ಹೊರಾಡಾನೆ ತುಮೊನೆ ಸಾಧ್ಯ ಥಾವಸ.

12 ಅಪ್ಪಿ ಹೊರಾಟ ಮನಕ್ಕೊನಾ ವಿರುದ್ಧ ನ್ಹವ್ವೆ ಅಪೆ ಅಂಧಕಾರನಾ ಅದಿಪತಿಯೊನೆ ಅದಿಕಾರಿಯೊನೆ ವರಿ ಎ ಲೊಕನಾ ಅಂದಾರಾನಾ ತಾಕತೊನೆ ಹಬಾಳನಾ ದುಷ್ಟ ತಾಕತೊನೆ ವಿರುದ್ಧ ಧೈನ ಹೊರಾಡಾಸ.

13 ತಿನಾಹುತಿಜ್ಜ ತುಮೆ ಕ್ಹುದಾನಾ ಕ್ಹಾರಾ ಆಯುದ್ಧೊ ಘಾಲ್ಯು ತೆಳಾಮಾ ಯುದ್ಧನಾ ದಿನ್ನೊಮಾಬಿ ಹೊರಾಟ ಪುರಾ ಕ್ಹರಲ ಪರಬಿ ಘಟ್ಟಿ ಧೈನ ಹುಬ್ರವಾನೆ ತುಮೊನೆ ಸಾಧ್ಯ ಥಾವಸ.

14 ತಿನಾಹುತಿ ಕ್ಹರಿನೆ ಭಾಂದಿಲಿನ ನಿತಿ ಕವಾನಾ ಹಿರಾವೊನಿ ಪಟ್ಟಿ ಛಾತಿನೆ ಭಾಂದಿಲಿನ

15 ಸಮಾಧಾನನಿ ಸುವಾರ್ತೆನಾ ಪಾದರಕ್ಷೆ ಫಾಲಿನ ಘಟ್ಟಿ ಧೈನ ಹುಬ್ರವೊ.

16 ತೆನ್ನೆಸೊ ಬರೊಕ್ಕೊ ಕವಾನಾ ಗುರಾಣಿನೆ ಧರಿಲಿವೊ. ಸೈತಾನನಾ ಆಗನಿಯೊ ಬಾಣೊ ಹುಬ್ರಾಡಾನೆ ತುಮೊನೆ ಇಕ್ಹು ಮದತ ಥಾವಸ.

17 ಕ್ಹುದಾನಿ ರಕ್ಷಣೆ ಮಾತಾನು ಕವಚ ಲಿಂಗತ ಫಾಲಿವೊ. ಪವಿತ್ರ ಆತ್ಮಾನಿ ತಲ್ವಾರ ಕದ್ಯಾಮ ಕ್ಹುದಾನಿ ವಾಕ್ಯಾ ದಿವೊ.

18 ತುಮೆ ಪವಿತ್ರ ಆತ್ಮಾನಿ ಸಹಾಯಕ್ಹು ಕೆಳಾಮಾಬಿ ಕ್ಹುದಾನೆ ಪ್ರಾಥನಾ ಕರ್ತಾ ಕ್ಹಾರಿ ತರಾನಾ ಪ್ರಾಥನಾ ಕರೊ ವರಿ ತುಮೊನೆ ಚಾಯೆ ಥಯಲ ಹುತಿ ಮಾಂಗಿಲಿವೊ. ಇನಾಹುತಿ ಕೆಳಾಮಾಬಿ ತಯ್ಯಾರ ಧೈನ ರ್ವವೊ. ಪ್ರಾಥನಾ ಛೊಡಿನ ದಿವೊ ನಕೊ. ಕ್ಹುದಾನಾ ಮನಕ್ಹನಾ ಹುತಿ ಕೆಳಾಮಾಬಿ ಪ್ರಾಥನಾ ಕರೊ.

19 ತೆನ್ನೆಸೊ ಮಾರಾ ಹುತಿಬಿ ಪ್ರಾಥನಾ ಕರೊ. ಮಿ ಬೊಲ್ತಾಮಾ ಸುವಾರತೆನಿ ರಹಸ್ಯ ಕ್ಹರಿನೆ ಭೆಂವಾಚಿ ಕವಾನೆ ಚಾಯೆ ಥಯಲ ವಾತೊ ಕ್ಹುದಾ ಮನೆ ದಿವ್ ಕೈನ ಪ್ರಾಥನಾ ಕರೊ.

20 ಸುವಾರ್ತೆ ತಿಳ್ಳಾವಾನುಜ್ಜ ಮಾರು ಕಾಮ ವ್ಹೈ ಹಮ್ಮಾ ಜೈಲಮಾಬಿ ಮಿ ತೆ ಕಾಮ ಕರಾಡ್ತೊಸ. ಮಿ ಕಯಾ ತರಾಮಾ ಕರು ತೆಜ್ಜ ತರಾಮಾ ಭೆಂವಾಚಿ ಬೊಲಾನೆ ಸಾಧ್ಯ ಥಾಯೆ ಲಿಂಗತ ಪ್ರಾಥನಾ ಕರೊ.

21 ಅಪ್ಪೊ ಮಯಾನೊ ಭೈ ಥಯಲ ತುಖಿಕನೆ ತುಮೊಕನ ವಳಾವಾಡೊಸ. ತೆ ಪ್ರಭುನಿ ಸೆವಾಮಾ ಬರೊಕ್ಕಾವಾಲೊ ಸೆವಕ ಥಯೊಸ. ನ್ಹ್ಯಾನಾ ಸಂಗತಿಯೊ ಕ್ಹಾರಿಯೊ ತೆ ತುಮೊನೆ ತಿಳ್ಸಾವಸ. ಮಿ ನ್ಹ್ಯಾಗಯೊಸ ವರಿ ಸು ಕರಾಡ್ಯೊಸ ಕವಾನು ತೆಳಾಮಾ ತುಮೊನೆ ಗ್ವತ್ತ ಥಾವಸ.

22 ಹಮಾರಿ ಪರಿಸ್ಥಿತಿ ತುಮೊನೆ ಗ್ವತ್ತ ರ್ಹೊಕವಾನು ಮಾರು ಆಸ ವ್ಹ್ಯೆ ತೆನ್ನೆಸೊ ತೆ ತುಮೊನೆ ಪ್ರೊತ್ಸಾಹ ಕರಸ.

23 ಬಾ ಥಯಲ ಕ್ಹುದಾಕ್ಹು ಪ್ರಭು ಥಯಲ ಯೆಸು ಕ್ರಿಸ್ತಕ್ಹು ಬರೊಕ್ಕಾಮಾ ರ್ಹಯಲ ಕ್ಹಾರಾ ಭಾಯೊ ವರಿ ಭೆನೊನೆ ಶಾಂತಿ ಮಯಾ ಮಳಾದೆ.

24 ಅಪ್ಪೊ ಪ್ರಭು ಥಯಲ ಯೆಸು ಕ್ರಿಸ್ತನೆ ಹಮೆಶಾನಿ ಮಯಾಕ್ಹು ಮಯಾ ಕರಾಲಾ ತುಮೊಪರ ಕ್ಹುದಾನಿ ಕೃಪಾ ಹಮೆಶಾಬಿ ರ್ಹವಾದೆ.

ಕ್ಪುದಾನಿ ಕ್ಕರಿನಿ ವಾಕ್ಯಾ
The New Testament in the Sholaga language of Indea:
ಕ್ಪುದಾನಿ ಕ್ಕರಿನಿ ವಾಕ್ಯಾ

copyright © 2023 The Word for the World International

Language: (Sholaga)

Contributor: The Word for the World South Asia

ಕ್ಪುದಾನಿ ಕ್ಕರಿನಿ ವಾಕ್ಯಾ
ನವು ವಡಂಬಡಿಕ್, 2023

The New Testament in Sikkiligar Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 1 Jul 2025 from source files dated 2 Jul 2025

c4493657-eaaf-5555-9b4b-b1cd97f111ff